



KANUAANA

**Ukiumoortumik
Nalunaarusiaq**

2015-2016

**Kalaallit Nunaanni Aalisarsinnaanermut Akuersissutininik
Nakkutilliisoqarfik**

Grønlands Fiskerilicenskontrol

Indhold

Siulequt.....	4
Kapitali 1- 2015-2016-imi misileraalluni aalisarneq	5
Kapitali 2- Kinguaariit nikinnerat aamma nakkutilliinermut KANUAANA-mi periusissiaq nutaaq	8
KANUAANA-mi nakkutilliinermut periusissiaq	9
KANUAANA-mi nakkutilliinerup aaqqissuusaanera.....	10
Kapitali 3 - Nunat tamalaat suleqatiginerinit nutaarsiassat	11
Kapitali 4 – Ilinniartitaanerit pikkorissarnerillu	17
Anneks 1: Kalaallit Nunaanni inuussutissarsiutigalugu aalisarneq.....	18
Anneks 2: Akuersissutitalimmik aalisarneqarsinnaasut	18
Anneks 3: Inatsiseqarnermut tunngasut	19
2015-imi Inatsisartut inatsisai nutaat.....	19
2016-imi Inatsisartut inatsisai nutaat.....	19
2015-imi Namminersorlutik Oqartussat nalunaarutai nutaat.....	19
2016-imi Namminersorlutik Oqartussat nalunaarutai nutaat.....	20
Anneks 4: 2015-2016-imi aalisarneq pillugu kisitsisitigut paasissutissat	21
Takussutissiaq 4.1: Raajarniarneq pillugu	21
Takussutissiaq 4.2: Qaleralinniarnermut tunngasut	22
Takussutissiaq 4.3: Saarullinniarnermut tunngasut	23
Takussutissiaq 4.4: Saattuarniarnermut tunngasut	23
Takussutissiaq 4.5: Uiluinniarnermut tunngasut.....	24
Takussutissiaq 4.6: Nipisanniarnermut tunngasut	24
Takussutissiaq 4.7: Kapisilinniarnermut tunngasut.....	24
Takussutissiaq 4.8: Kalaallit Nunaanni avataasiorluni aalisarnerit allat.....	25
Takussutissiaq 4.9: Imarpinni allani kalaallit avataasiorlutik aalisarnerat	26
Takussutissiaq 4.10: Kalaallit Nunaata imartaani nunani allamiut aalisarnerat.....	27
Anneks 5: 2015-2016-imi nakkutilliineq pillugu kisitsisitigut paasissutissat	29

Takussutissiaq 5.1: Alapernaarsuisoqarluni nakkutilliisoqarneq.....	29
Takussutissiaq 5.2 Alapernaarsuilluni nakkutilliisut innersuussutaat/uparuaaneri.....	29
Takussutissiaq 5.3: EU-mit uppernarsaasiisarnermut tunngasut.....	30
Takussutissiaq 5.4: Om Port State Control (Naalagaaffiup umiarsualiveqartup nakkutilliinera).....	30

Siulequt

Kalaallit Nunaanni Aalisarnermik Akuersissutininik Nakkutilliivisoqarfik (KANUAANA) Kalaallit Nunaata imartaani aalisarnermik nakkutilliinissamik suliassaqarpoq. 2015-p aallartinneranit 2016-p aallartinneranut Aningaasaqarnermut Naalakkersuisoqarfimmi Akileraartarnermut Aqutsisoqarfimmut nuunneqarsimanerata kingorna KANUAANA maanna Aalisarnermut Piniarnermillu Naalakkersuisoqarfimmi immikkoortutut inissisimaqqilerpoq.

KANUAANA aalisarnermik piniarnermillu nakkutilliinermut arlalinnik isumagisassaqarpoq, pingaarnertulli isumagineqartuupput aalisarnermik pisassiissutaasartut aalisarneqartarnerisa nakkutigineqarnerat kiisalu aalisarneq piniarnerlu pillugit qarasaasiaqarnikkut aaqqissuussinerit ingerlatsinerillu. Sulinerup allanngorarnera nalunaarusiami matumani takuneqarsinnaavoq.

2015-2016-imi ukiumoortumik nalunaarusiami kisitsisitigut paasissutissat nutaarsiassatut anneksimi saqqummiunneqarput, kapitalillu amerlassusiat ikililerneqarput, taamaallaallu sammineqarput KANUAANA-mit pingaarnertut isumagineqartut.

Kapitali 1- 2015-2016-imi misileraalluni aalisarneq

Kalaallit Nunaata eqqaani 2015-2016-imi misileraalluni aalisarneq naalakkersuisooqatigiinnissamut isumaqatigiissutinik tungaveqarpoq, taakkunungalugu aallaaviupput Atassutip, Demokraatit Siumullu akornanni naalakkersuisooqatigiinnissamut decembarimi 2013-imi isumaqatigiissutaat 2014-2016 Ataatsimoorneq, Toqqissisimaneq, Ineriartorneq, kiisalu Inuit Ataqatigiit, Partii Naleqqap aamma Siumup akornanni 2016-2018-imi naalakkersuisooqatigiinnissamut oktobarimi 2016-imi isumaqatigiissutaat Naligiinneq, Toqqissisimaneq, Ineriartorneq.

Isumaqatigiissutini marluusuni misileraalluni aalisarneq pillugu ima allassimasoqarpoq:

”Aalisakkat tunisassiarineqaarsinnaasut nutaat atorluarneqassapput, aammalu aalisarfiusinnaasuni nutaani misileraatitsilluni aalisartitsisoqassalluni...”

Misileeraalluni aalisarnerit assigiingisitaartut ingerlanneqanngillat, taamaattorli Tunup aamma Kitaata avataani misileraalluni aalisarnissamut akuersissutit arlallit tunniunneqarput, tassani annertunerusumik pineqarlutik aalisarneqarsinnaasut ikerinnarsiortut.

Misileraalluni aalisarnermit pissarsiat assigiingissimaqaat, taamatuttaarlu angusat aamma allanngorarsimaqalutik.

2015-2016-imi misileraalluni aalisarnerit soqutiginarnerpaat tassaasimapput:

1. Kitaata avannaani qaleralinniarneq
2. Kitaata avannaani raajarniarneq
3. Kitaani avataasiorluni ammassanniarneq
4. Kitaani avataasiorluni saarullinniarneq
5. Tunumi sianerissap qanittuani aalisarneq
6. Tunumi avataasiorluni avataasiorluni aalisarnernit, ukuningga:
 - a. Saarullernarniarneq (Lange, blålange, tinguttuut)
 - b. Ammassassuaasanik (Guld laks) aalisarneq
7. Tunumi aalisarneq ukuningga:
 - a. Avaleraasartuut
 - b. Ammassassuit
 - c. Saarullernat (Blåhvilling)

Qulaani takussutissiami normulersuinikkut talerpiatungaaniittut tassaapput immap assinganiittut nalunaarsorneqarsimasut. Sumiiffiit takussutissiaannaapput.

1. Kitaata avannaani Siorapaluup, Moriusap aamma Savisiviup eqqaani misileraalluni aalisarnerit ningittakkat atorlugit ingerlanneqarput. Angallatinit misileraalluni aalisarnermi peqataasunit nalunaarsuinerit tunngavigalugit taavani pisat annikitsuinnaapput, taamaattorlu Qimusseriaarsuarmi pisat atorsinnaallutik.

2. Qimusseriaarsuarmi misileraalluni raajarniareq Pinngortitaleriffiup (GN) aamma soqutisaqaqatigiit suleqatigiinnerisigut ingerlanneqarpoq. Kitaata avannaani avvannarpasissutsip 73°30 'N-p avannaani immikkut pisassanik peqataasut tunineqaqqinnikuupput. Misileraalluni aalisarnermi peqataanissamut akuersissummik pissarsiniarnermut atatillugu angallatit sumiiffinni pineqartuni immikkoortuni 494-iusut ilaanni misileraallutik kalittussaasimapput.

Ataatsimut isigalugu misileraalluni aalisarnerit iluatsilluaqaat, taamaattorli saniatigut pisarisuugarpassuit pingaarnertut eqalugaasaasut (polartorsk aamma istorsk) ajornartorsiutaalaartarsimapput.

3. Kitaani ammassannik misileraalluni aalisarnerit 2015-imi novembarimi ingerlanneqarput. Angallat ikerinnarsiutinik atortulik sonari atorlugit ammassannik ujarleraluarpoq iluatsinngitsumilli.


4. Kitaata avataani misileraalluni avataasiorluni saarullinniarneq 2015-imi aamma 2016-imi ingerlanneqarpoq. . 2015-imi pisat 5.047.864 kg-pput, 2016-mili ikileriarlutik 3.313.804 kg-llutik.

5. Tunumi misileraalluni aalisarneq assigiinngitsunik aalisarfiuvoq, tamatumani angallatit aalisakkanik assigiinngitsunik ataatsikkut aalisarnissamut akuerineqarput. Aalisarneq ningittakkanik ingerlanneqarpoq, pisallu amerlanersaat saarulluupput. 2015-imi saarullit 1.531 tonsit pisarineqarput, 2016-imilu saarullit 870 tonsit pisarineqarlutik.

6. Sumiiffik 6 saarullernanik (tinguttuut, lange aamma blålange) misileraalluni aalisarfiuvoq, saniatigullu pisarisuugarpassuit saarulliuernerusut ajornartorsiutaasimaqaat. Misileraanissamut akuersissuteqarnikkut 2015-imi brosmi 781 tonsit Tunup avataani pisarineqarput. 2016-imili brosmi aalisarneq misileraalluni aalisarnertut ingerlanneqarunnaarpoq. Ammassassuaasanik (guldlaks) misileraalluni aalisarneq aamma iluatsilluunngeqaaq, 2015-imi pisat 10 tonsiupput, 2016-imilu 15 tonsiullutik. Guldlaksinik misileraalluni aalisarnermi pisarisuukkat annertooujussuusimapput.



7. Avaleraasartuunik, ammassassuarnik aamma blâhvillinginik misileraalluni aalisarnerit ukiuni arlaqalersuni ingerlanneqalersimapput. Avaleraasartuunik misileraalluni aalisarnerit kalaallit aamma nunami allamiut (kalaallit ingerlatseqatigiiffiinit attartorneqarsimasut) angallataannik ingerlanneqarput. Ammassassuarnik misileraalluni aalisarnerit kalaallit angallataannit annertunerusumik ingerlanneqarput. Ataani diagramimi avaleraasartuunik aamma ammassassuarnik 2012-miit 2016-imut Kalaallit Nunaata imartaani pisassiisutinit pisat takuneqarsinnaapput. Diagramimi takuneqarsinnaavoq avaleraasartuunik pisat nikerangaatsiarsimaqisut, ammassassuarniarnerli 2012-imili annertusiartuinnarsimasoq. Avaleraasartuunik pisat nikerarnerannut aalisariutit ingerlanneqartut amerlassusiinik pissuteqarsinnaavoq. 2014-imi aalisariutit aalisartut 29-iupput, 2015-imilu aalisariutit aalisartut 20-inut ikileriarsimapput kiisalu 2016-imi aalisariutit aalisartut 21-iusimallutik. Blâhvillinginik aalisarneq misilinneqarsimavoq, iluatsitsiffiunngitsumillii. 2015-imi 110 tonsit aalisarneqarput, 2016-imilu Kalaallit Nunaata imartaani blâhvillingit pisarisuukkatut taamaallaat nalunaarsorneqarsimapput.



Kapitali 2- Kinguaariit nikinnerat aamma nakkutilliinermut KANUAANA-mi periusissiaq nutaaq

Kalaallit Nunaanni Aalisarsinnaanermut Akuersissutinik Nakkutilliisoqarfimmi ukiuni arlalinni atuuttussamik nakkutilliinissamut pilersaarut.

Nakkutilliinissamut pilersaarut allaaserisaavoq nakkutilliinermut oqartussaasumit suliarineqartoq, taassumalu imarai oqartussaasunit nakkutilleeriaatsip ilusaa aamma aqqissuunneqarnera.

Nakkutilliinissamut pilersaarut KANUAANA-mut nakkutilliinermut aqqissuunneqartumut siusinnerusukkut akuerineqarsimasumut tapiliussatut isigineqartussaavoq.

Pilersaarut aalisarneq piniarnerlu pillugit malittarisassat malinneqarnersut pillugit KANUAANA-mut piginnaatitsissutigineqarnikuupput, taannalu sunniuteqarluartumik nakkutiginninnissap isumannaarneqarnissaanut ilapittuutaassaaq.

FAO-p nunanut tamalaanut iliuseqarnissamut pilersaarutaa malillugu unioqutitsilluni, nalunaarnertaqanngitsumik aamma aqunneqanngitsumik aalisarnerit (IPOA-IUU) pinaveersaartinneqarlutillu pinngitsoortinniarneqassapput unitsinneqarlutillu, taamaammallu naalagaaffimmi periusissiamik ingerlatsisarnerlu pillugit naalagaaffiup umiarsualiveqarfiusup nakkutilliinera pillugu nunat pilersitsinissaat kaammattuutigineqarpoq.

KANUAANA januar 2014-mi Aalisarnermut, Piniarnermut Nunalerinermullu Naalackersuisoqarfimmit (APNN-mit) Aningaasaqarnermut Naalackersuisoqarfimmi Akileraartarnermut Aqutsisoqarfimmut (AKA-mut) nuunneqarpoq aqqissuusaanermilu tassani inissinneqarluni. Nuunneqarnera suli suliarineqarpoq, tassanilu APNN-p aamma KANUAANA-p akornanni periaatsit ilai maanna pilersinneqassapput, taakkulu ataatsimoortumik periaatsitut maanna pilersinneqarlutik tunngaviussapput.

Siunertaq

Aalisarneq piniarnerlu Kalaallit Nunaanni inuussutissarsiutit pingaarnersaammata, taakkulu aqunneqarnerat piujuartitsinermik tunngavigineqarmat, aalisarnerup nakkutigineqarnissaa aamma alapernaarsorneqarnissaa pingaaruteqarput, taamaaliornikkummi ineriartortitsinissamut periarfissat siuarsarneqarsinnaapput, taamalu naalackersuinikkut akuleruttoqarsinnaanerani piujuartitsinermik tunngaviit attatiinnarneqarsinnaapput, peqatigisaanillu inuussutissarsiornermi nutaaliornermik allanngorartumillu aamma ilapittuuteqartoqarsinnaaluni.

Tamatumani AN/AKA/APNN peqatigalugit ilinniartaanikkut, siumut takorluuinikkut kiisalu sulisut isumassarsillaqqissut peqatigalugit ineriartornermut tamatumunnga ilassutigisinnaasanik KANUAANA ilapittuuteqarsinnaavoq.

Suliffeqarfiit aalisartullu malittarisassanik malinnersut paasiniallugu KANUAANA-mi nakkutigineqassapput. Isumalluutiniq uumassusilinnik kiisalu piujuartitsineq tunngavigalugu atuinnermut piumasaaqatit assigiinnerunissaannut KANUAANA-mit ilapittuutigineqassaaq.

Iliuseqartartuusut malittarisassanik ilisimasaqarnissamut akisussaassuseqarput, pissutsimmi piviusut tunngavigalugit malittarisassanik malititsisoqarnerisooq isumannaassallugu taakku akisussaaffigaat. Namminersorlutik Oqartussat malittarisassat avammut nalunaarutigisarnissaat isumannaartussaavaat, taamaaliornikkullu malittarisassat inuussutissarsiortunit ilisimaneqarnissaat malittarisassanillu eqqortitsinissap nakkutigineqassaaq isumannaarneqassaaq.

Nakkutilliinnermut pissutsinut isumalluutit KANUAANA-mit pigineqartut ataatsimut isigalugu Aningaasanut Inatsisinit aqunneqarput. Naalakkersuinikkut immikkut kissaatigisat kiisalu suliaasat pillugit KANUAANA-mit/APNN-imit saqqummiussisutigineqartut, kiisalu nakkutilliinnermi unammillernartinneqartut aamma ilapittuutaapput.

Isumalluutiniq pisariaqartitsineq ingerlaavartumik nalilersuinernik pingaarnertutanillu kiisalu nakkutilliiffinni ataasiakkaani aarleqqutigineqarsinnaasut pillugit naliliinnermik tunngaveqarpoq.

Aalisarnerni aalajangersimasuni annertuallaamik atuisoqartoq ilumoorpoq, taamaattoqarneranilu aalisarnermik inuussutissarsiuteqarnermi immiut akilersinnaassuseq annikillisarpoq. Aalisarpallaarneq aalisartunut/suliffissuqarfinnut ataasiakkaanut malittarisassanik unioqqutitsinissamut annertuumik kajumissaarivoq.

KANUAANA-p nakkutilliinnermut pilersaarutaa tamakkerlugu uani atuarneqarsinnaavoq:

<http://www.businessingreenland.gl/~media/Fiskeri%20og%20fangst/GFLK/Publikationer/GFLK%20kontrolplan.pdf?la=da>

KANUAANA-mi nakkutilliinnermut periusissiaq

KANUAANA-p nakkutilliinnermut periusissiaa piffissami 2017-2019 atuuttussaq 2016-imi nutarterlugu aallartinneqarpoq, tassanilu Kalaallit Nunaanni aalisarnerup piniarnerullu nakkutigineqarnissaanut ineriartornermi pingaarnertut siunniussat allaaserineqarput. Immikkoortut pingaarnertut ilai tassaapput:

Qarasaasiakkut digitaliseeriineq aamma qarasaasiakkut atortut/teknologiit nutaat ikiorsiullugit nunami, sinerissami aamma avataasiarluni aalisarnermi inunnit nakkutilliinnerup peqataatitaqarnerullu kiisalu immikkut Nuummi pingaarnertut allattoqarfimmi misissueqqissaarnerit aamma pappilianik nakkutilliinnerit sanarfineqaqqissapput.

Tamatumuunakkut nakkutilliinnermik ingerlatsinerup salliutinneqarnerunissaanut peqatigisaanik pitsaanerusumik periarfissisoqassaaq, tamatumalu kingunerissavaa nakkutilliinnermik isumalluutit sumiiffinnut unioqqutitsiffiusussatut ilimanarnerpaatut nalilerneqartunut unioqqutitsinernillu innarliinnerpaasunut sammitinneqassammata.

Iliusissap pilersaarusiareqarneranut tunngavissaq eqqortoq isumannaarniarlugu nakkutilliisunit kiisalu suleqatinit avataaneersunit nakkutilliinermik iliuutsit, unioqqutitsinerit aamma alapernaarsukkat tullerriaarluakkamik nalunaarsorneqassapput. Tassunga atatillugu qarasaasiakku atortussiat nutaat, immikkullu nalunaartarnermik atortussiaq WinKon KANUAANA-mit ineriartortinneqartoq 2015-2016-imilu atorneqalersoq siunissami atorneqarnissaat pingaaruteqartorujussuussapput.

Sunniuteqarluartumik nakkutilliinermut KANUAANA-mi nuna tamakkerlugu immikkoortut, sulisut assigiinngitsut aamma paasisaqarfiit pillugit suleqatigiinnerit aamma pingaaruteqarluinnartuupput. Suleqatigiinneq ukiuni tulluuttuni annertusarneqassaaq, tassanilu isiginiarneqassapput ataatsimoortitsineq aamma suleqatigiinnermik annertunerusumik ilinniartitsineq.

Kiisalu ingerlaavartumik pikkorissaasarnikkut aalisarnermillu nakkutilliisunik ilinniartitsinikkut sulisunik ilinniartitseqqiinerit piginnaanngorsaqqiinerillu nangingeqassapput.

KANUAANA-mi nakkutilliinerup aaqqissuusaanera

Aalisarnermi alapernaarsuisut, aalisarnermik nakkutilliisut aamma piniarnermik nakkutilliisut amerlassusiat ukiut ingerlaneranni alakkaasuusimavoq, taamaattorli soraarninngortut sualummik aalisarnermik alapernaarsuisut akornanni arlaqarsimapput, taakkulu 2016-imi suliffittaartunik tallimanik ilaneqarsimapput.

KANUAANA-mi allaffissornermik aqutsisoqarfimmi inuit 16-t sulisuupput, taakkunanga piniarnermik nakkutilliisut 11-iullutik, aalisarnermik nakkutilliisut 6-iullutik, kiisalu aalisarnermik alapernaarsuisut 15-iullutik.

Kapitali 3 - Nunat tamalaat suleqatiginerinit nutaarsiassat

KANUAANA nunat tamalaat suleqatigiiffiini pingasuni peqataavoq, taakku tassaapput Atlantikup Avannaata Kitaani Aalisarnek pillugu Suleqatigiiffik (NAFO), Atlantikup Avannaata Kangiani Aalisarnek pillugu Kommissioni (NEAFC) aamma Atlantikup Avannaani Sinerissami Nakkutilliisut Oqalliffiat (NACGF).

Oqaliiffinni pingasuni KANUAANA nakkutilliineq pillugu komiténi peqataavoq.

NAFO

Atlantikup Avannaata Kitaani Aalisarnek pillugu Suleqatigiiffik tassaavoq Kalaallit Nunaata kitaani nunat tamalaat imartaanni aalisarnermik malittarisassaqaqtitsisoq.

NAFO-mit nutaarsiassat 2015-2016

2016-imi Cuba-mi ataatsimeersuarnermi naalagaaffiit umiarsualiveqarfiusut pineqaatissiisarnemat (PSC) 2009-mi Naalagaaffiit Peqatigiit Inuussutissaqarnermut Nunalerinermullu Suleqatigiiffiani (FAO-mi) akuerineqartumut naalagaaffiit umiarsualiveqartut nakkutilliinermut isumaqatigiissutaannut (PSMA-mut) naleqqussarneqassasoq NAFO-mi akuersissutigineqarpoq.

PSC-mi malittarisassat ilaatinneqalernissaannut isumaqatigiinnissamut suliaq sivisusimaqaaq.

Unioqqutitsilluni, nalunaarsorneqanngitsumik malittarisassaqaqanngitsumilu aalisarnermik (IUU-mik) pinngitsoortitsiniarnermut PSC atugassiaavoq pingaarutilik.

NAFO-mi PSC-mik malittarisassat kisimik nunani tamalaani atuuttuupput, NEAFC-mili taamaattoqarani.

Nunani allani angallatit NAFO-mi malittarisassaqaqarfiusumi aalisarsimasut ataatsimut nunniuttagaasa 15 %-ii nakkutigisassallugit nunat ilaasortaasut imminnut pituttorsimapput.


Immami uumassuseqarfiusut illersorniarlugit immiun pisussaaffilernermut atatillugu 2016-imi immap naqqaniittunik aalisarsinnaanermut imartat 239 km²-iusut NAFO-p aamma matuai.

Immami uumassuseqarfiit innarliasut illersorniarlugit NAFO

tigussaasumik iliuseqartarpoq, assersuutigalugu imami meqqunik (havfjer) qallunaatut taaneqartartut.

Immap naqqaniittunik aalisarnissamut aamma immami uumassusillit innarliasut immamilu qaqqatut taaneqarsinnaasut illersorniarlugit imartat 380.511 km²-iusut aamma maanna NAFO-mit

matuneqarsimalernikuupput. Taakku imartat NAFO-mit malittarisassaqaqartinneqartut 14 %-ii taamaalillutik matuneqarnikuupput.





NAFO-p eqalussuarnik illersuina pitsaanerulersinniarlugu aalisariutini eqalussuit avaleraanik piaasarneq aamma inerteqqutaalernikuuvoq. Tamannali ima paasineqassanngilaq eqalussuarniarneq inerteqqutaalernikuusoq, eqalussuarnilli pisaqarnermi eqalussuaq tamaat angallammiitinneqassaaq nunniorneqarlunilu, avaleraalu kisimik piarneqaratik angallammiitinneqarlutillu.

NAFO-mi qaleralinnik aqutsinissamut periusissanik nalilersuineq (MSE) saqqummiunnikuuaa.

NAFO-p sumiiffinni malittarisassaqaarfigitanni qalerallit tassaapput niuerutigineqarsinnaasut maannakkorpiaq naleqarnerpaat.

Nalilersuineq (MSE) NAFO-p 2017-imi ukiumoortumik ataatsimeersuarnerani saqqummiunneqartussanngortinneqarsimavoq. Tamatuma kingunerissavaa 2017 NAFO-p ilisimatuussutsikkut ataatsimiittartuinut immikkut ulapaarfiussaqaqsoq, taakkumi nalinginnaasumik sulinermi saniatigut NAFO-p mianersornermik tunngavissiaanik atuinissaq aamma aqqissuuteqqissavaat, kiisalu Flemish Cap-imi saarulleqatigiit nalilersorneqarnissaanut piareersaasiortussaallutik – 3M saarullit.



NAFO-mit sumiiffinni malittarisassaqaqtitsiffiusuni aalisarnerup ingerlanneqarnerani pissutsit allanngoriartornerannut tikkuussisut

Piffissami 2004-2016 sumiiffinni NAFO-mit malittarisassaqaqtitsiffiusuni (NRA-mi) aalisarnermik ataatsimut ingerlatat takutippaat 2004-mi angallatit aalisarnermik ingerlatsisut 134-usut 2016-imi 47-nut ikileriarsimasut.

Taamatuttaaqaq piffissami tassani ataatsimut ullut ingerlatsiffiusut ullunit 16480-init 2016-imi ullunut 4270-inut ikileriarsimapput.

Ataani takussutissiami takutinneqarput NRA-mi 2010-miilli aalisarnermi allannguutaasut. Ikerinnarsiortunik suluppaavarniarnerit aamma raajarniarnerit 2010-miilli kinguariartorsimapput.

Aalisarnerit taakku marluusut utaqqiisaasumik piffissaliinermik aalajangiiffiusimapput, siullermik 2012-minngaanniit, kingullermillu 2015-iminngaanniit.



Takussutissiaq 1. Aalisarnermik ingerlatsineq (grafi qulleq), kiisalu aalisariutit aalisartut amerlassusiat (grafi alleq) takutinneqarput. Immap naqqani aalisarneqartut (GRO/PRA) aamma suluppaakkanik ikerinnarsiortunik (REB) aalisarneq pillugit pissutsit 2004-miit 2016-imut.

NAFO-p nittartagaa: www.nafo.int

NEAFC

Atlantikut Avannaata Kangiani Aalisarneq pillugu Kommissioni tassaavoq Kalaallit Nunaata kangiani nunat tamalaat imartaanni aalisarnermik malittarisqaqtitsisoq. Atlantikut avannaata kangiaata eqqaaniittut nunat tamarmik ilaasortaapput kiisalu nunat arlallit (maannakkut EU-mut ilaasortaasut) imartami oqaluttuarisaanikkut pisinnaatitaaffeqartut.

Nunat ilaasortaasut tassaapput Danmark (Kalaallit Nunaat aamma Savalimmiut), EU, Island, Norge aamma Rusland.

KANUAANA Nakkutilliinermut Malittarisassanillu Atortitsinermut Ataavartumik Kommitteemi (Permanent Committee on Control and Enforcement, PECCOE) Kalaallit Nunaat sinnerlugu ilaasarpoq, taannalu NEAFC-imi aalisarnermi teknikikkut suleqatigiissitaavoq, suleqatigiissitarlu nakkutilliineq aamma malittarisassanik atortitsineq pillugu Kommissionimut inassuteqartartuuvoq. Suleqatigiissitaq ilaatigut NEAFC-imi aalisarneq pillugu ilaatigut malittarisassat nalilersornissaannik nutarternissaannillu suliassaqtuuvoq (taamaallaat

teknikkut malittarisassat pineqartillugit), kiisalu malittarisassat sunniuteqarnerat pillugu nalilersuisussaalluni aamma nunat ilaasortaasut malittarisassat malinneraat nalilersussallugu, ataatsimoortumik nakkutilliinerup siuarsarnissaa aamma ataqatigiissarnissaa, NEAFC-imi imartat alapernaarsussallugit kiisalu angallatit unioqqutitsillutik aalisartut pillugit IUU-mit nalunaarsuutit aqussallugit.

Kiisalu KANUAANA Qarasaasiamik Aqutsineq Pillugu Ataatsimoorussami Siunnersuisartunut (Joint Advisory Group for Data Management, JAGDM) ilaasarpog, taakkulu qarasaasiaq atorlugu teknikikkut aaqiinerit aamma isumannaallisaanermi apeqqutit pillugit NAFO-mik aamma NEAFC-imi siunnersuisartuupput.

KANUAANA aamma Kisitsisitigut Paasissutissat pillugit Suleqatigiissitami (Working Group of Statistics, WG STAT) ilaasarportaaq, taakkulu NEAFC aqutugalugu malittarisassaqaartinneqartunik aalisarnermi isumalluutit atornerarnerat pillugu kisitsisitigut paasissutissaliortartuupput.

2009-imi NEAFC-imi imartat annertoorujussuit immap naqqatigut kilisalluni aalisarnernut matuneqarput (imaluunniit immap naqqanik atuisunut).

Tamanna aalisarnermik malittarisassaqaartitsinikkut nunat tamalaat pisussaaffiisa ilaatut pivoq. Tamanna OSPAR-imi nalunaarutikkut toqqaannartumik kaammattuuteqarnikkut.

Immami itisuumi aalisakkanik arlalinnik toqqaannartumik aalisarneq pingaartumik eqalussuit arlallit, soorlu eqalussuarnat, eqalussuit kukillit, eqalussuit (sildehaj) aamma eqalussuaq inerteqqutaalerpoq, ikilisimaneri pissutigalugit.


Taakku saniatigut 200 miiterinik itinerusumi qassusersorneq inerteqqutaalerpoq aamma eqqaasarneq inerteqqutaalerluni.

2007-imi Naalagaaffit Umiarsualivillit Nakkutilliinerat (Port State Control, PSC) NEAFC-imi atulersinneqarpoq, pineqartorlu tassaavoq nunanit ilaasortaangitsunit pisarineqarsimasut IUU-mik aalisarnerit akiorniarlugit NEAFC-ip isumaqatigiissuteqarfiini aalisarneqarsimasunik qerititanik nunniussaasa pinngitsoortinniarneqranerat.

2015-imi 1. juli aallarnerfigalugu aalisarnermit isumalluutit tamarmik aqqissuussinermi ilanngunneqarput.

2014-imi NEAFC nunat tamalaat nunarsuup immikkoortuani aalisarnermi aqutsinermut suleqatigiiffiini (RFMO) siullerpaalluni piginnaasat pillugu misissuineramik (performance review) ingerlatsivoq.

2015-imi majimi kommissionip sulinera aqqissuuteqqinniarlugu misissuineq aallaavigalugu kommissionimi immikkut ittumik ataatsimiittoqarpoq.



NEAFC-ip nittartagaa: www.neafc.org

NACGF

Atlantikup Avannaani Sinerissami Nakkutilliisut Oqallittarfiat 2007-imi pilersinneqarpoq. NACGF-imi siunertaq tassaavoq sammisat nakkutilliinerit imaanilu isumannaallisaneerup iluani nunat ilaasortaasut akornanni suleqatigiinnerup annertunerulernissaa. NACGF naalackersuinikkut ingerlataangilaq, tasaanilu sulineq pituttugaangitsumik ingerlanneqartarpoq. Inatsisit atuuttut pillugit nunat suleqatigiittussaapput. Isuma tassaangilaq oqalliffinni allani sulineq ingerlanneqareersoq assileneqassasoq, akerialianilli immikkoortumi ilisimasat katersorneqassallutik.

Nunat ilaasortaasut tassaapput: Belgien, Canada, Danmark (Kalaallit Nunaat aamma Savalimmiut), Estland, Finland, Frankrig, England, Holland, Island, Irland, Letland, Litauen, Norge, Polen, Portugal, Rusland, Spanien, Sverige, Tyskland aamma USA.

Immikkut ilisimasallit assigiinngitsut arfiniliupput makkuninnga sammisaqartut: Avatangiisitigut upalungaarsimaneq, sananeqaatit inerteqqutaasut, inerteqqutaasumik nuunnerit, imaatigut isumannaallisagaq, ujaasineq annaassiniarnerlu kiisalu inatsisinik unioqutitsilluni aalisarneq.

Nunat tamalaat aalisarnerannik kiisalu Atlantikumi Avannarlermi inatsisinik unioqutitsilluni aalisarnermik qulaajaasumik pitsaaliuisumillu immikkut ilisimasalinni KANUAANA peqataavoq.

Inatsisinik unioqutitsilluni aalisarnermut tunngasunik immikkut ilisimasallit sammisat pingaarnerit ataani allassimasut pillugit 2014-mi suliaqarpoq.

- Imaani avataanilu nakkutilliinermi suleriaaseq pitsaaneq. Peqataasut nakkutilliinerit qanoq ingerlattarnerlugit saqqummiussipput.
- Inatsisinik unioqutitsilluni aalisarnermut tunngasuni aarlerinartunik misissuineq. Peqataasut aarlerinartunik misissuisarnerit pillugu ilisimatitsipput. KANUAANA Kalaallit Nunaanni sakkut suut atortarnerlugit ilisimatitsivoq.
- Europami Aalisarnermik Nakkutilliineq pillugu Allattoqarfik (European Fisheries Control Agency, EFCA) aalisarnermi aarleqqutigineqarsinnaasut pillugit misissueqqissaarnermik paasissutissiivoq.
- Atlantikup Avannaani Sinerissami Nakkutilliisut Oqallittarfiat taaguuteqartumi Project Scalemi "Interpol Fisheries Crime Working Group" imut ilanngussaqqarpoq. Maannakkullu nunat 62-it Interpolimi suleqatigiittuupput. Suleqatigiissitaq periusissatigut sisamanik anguniagaqqarpoq.

Nunat ilaasortaasut akornanni piginnaasaq, pinnaasaq sulinermi nukittorsarlugu ineriartortillugulu, taamaallilluni aalisarnermik sunniuteqartumik nakkutilliisoqarsinnaalluni

Inatsisinik unioqutitsilluni aalisarnermut attuumassuteqartunik paasissutissanik paarlaasseqatigiinnissamut kaammattuineq ikiunnerlu

Inatsisinut maleruagassanullu tunngasuni nunat ilaasortaat misissuinikkut sulinikkullu tapersersuinissamik neqerooruteqarneq.

Inatsisinut maleruagassanullu tunngasuni nunat ilaasortaat misissuinikkut sulinikkullu tapersersuinissamik neqerooruteqarneq

- Elektronikkimik umiarsuup allattaavii kiisalu elektronik atorlugu nalunaarutit

Qulaani allassimasut suliat saniatigut NACGF nunat killeqarfii akimorlugit siunissami suleqatigiinnissamut attuumassutinik pilersitsinermut kiisalu paasisutissanik paarlaasseqatigiinnissamut tunngaviulluarpoq. Ukiumut oqarasuaatikkut marloriarluni ataatsimiittarnissaq isumaqatigiissutigineqarpoq.

Kapitali 4 – Ilinniartitaanerit pikkorissarnerillu

KANUAANA-mi aalisarnermik nakkutilliisut 2012-miit 2014-imut nakkutilliinermut ilinniartitaapput ukiut pingajuat avillugu sivisussusilimmik, tassanilu arfiniliullutik tamarmik angusipput. Ilinniartitaaneq ilaatigut Danmarkimi ingerlanneqarpoq Danmarkimi Aalisarnermik Nakkutilliisoqarfik suleqatigineqarluni.

2017-imi ilinniartitsinissaq aamma pilersaarutigineqarpoq.

Nakkutilliinermut ilinniartitaaneq kingornatigut pikkorissarnermik assigiinngitsunik ilaneqarnikuuvoq, tassanilu piniarnermik nakkutilliisut peqataatinneqarsimapputaaq.

2015/16-imi aalisarnermik nakkutilliisunut aatsaat atorfinitsinneqartunut piginnaatitsineq pillugu pikkorissaasoqarpoq.

2016-imi IWC-mut tunngassuteqartumik arfernik aniguisitsiniarneq pillugu piniarnermik nakkutilliisunut aamma aalisarnermik nakkutilliisunut immikkut ittumik pikkorissaasoqarpoq, tassanilu arferit aalisarnermi atortunut nerngussimasut pillugit sungiusaasoqarpoq.

Allaffissornikkut aqutsisoqarfik aalisarnermi aqutsineq aamma aqutsinermut pilersaarutit pillugit pikkorissaanermi peqataavoq, taannalu ICES-imit Pinngortitaleriffimillu aaqqissorneqarsimavoq.

Allaffissornikkut aqutsinermi, oqaatsitigut qarasaasiakkullu il.il pikkorissaanerit naleqquttut pillugit pikkorissaanernut sulisut aamma neqeroorfigineqartarput.

Taakku saniatigut januaarimi ukiut tamaasa KANUAANA ukiumoortumik ataatsimiisitsisarpoq, taassanilu malittarisassat nutaat saqqummiunneqartarput, kiisalu nakkutilliinermut pilersaarutit sammisallu allat saqqummiunneqartarlutik.

Anneks 1: Kalaallit Nunaanni inuussutissarsiutigalugu aalisarneq

Kalaallit Nunaata eqqaani aalisarneq avataasiorluni aalisarnermut aamma sinerissamut qanittumi aalisarnermut avinneqarsimavoq, kiisalu taaneqartarluni avataasiorluni aamma qeqertat akornanni aalisarneq. Killiliineq sinerissamiit ungasissusermik – aalisarnermik oqartussaaffiup tunngaviatigut titarnerup 3 sømilit avataanni, aamma angallatit angissusaannit – 75 BRT/120 BT sinnerlugu aamma inorlugu – tunngaveqarpoq.

Angallatit anginerusut sinerissap qanittuani aalisaqqusaanngillat, immikkulli imartani taamatut malittarisassaqarneq atuutinngilaq, taakkulu imartat karsinik taaneqartarput. Karsit ilaanni angallatit ilai salliutinneqartussaapput, karsinili allani aalisarnermut aalajangersimasunut matusisoqarnikuulluni.

Sinerissamut qanittuani aalisarneq annerusumik kitaata sineriaani ingerlanneqarpoq, tassa tunumi annerusumik sinerissamut qanittuani inuussutissarsiutigalugu aalisartoqartanngimmat, kiisalu tunitsiveqarnissamut periarfissaqanngimmat.

Avataasiorluni aalisarneq kitaani tunumilu ingerlanneqarpoq.

Anneks 2: Akuersissutitalimmik aalisarneqarsinnaasut

Aalisakkat akuersissutitalerlugu aalisarneqarsinnaasut tassaapput aalisakkat tamarmik inuussutissarsiutigalugu aalisarnissamut akuersissummik peqarfiusussat. Akuersissutitalimmik aalisarneqarsinnaasut nalunaarutit tungavigalugit malittarisassaqartinneqarput, atuuttorlu tassaavoq Aalisarsinnaanermut pisassiissutillu pillugit Namminersorlutik Oqartussat nalunaarutaat nr. 8, 8. April 2016-imeersoq.

Akuersissutit tamarmik Aalisarnermut, Piniarnermut Nunalerinermullu Naalakkersuisoqarfimi Aalisarnermut Immikkoortortamit suliarineqartarput, KANUAANA-millu aqunneqartumi aalisarneq pillugu paasisutissanik qarasaasiaqarfimmi LULI-mi nalunaarsorneqartarput.

Akuersissutit assigiinngitsut annerusumik marluupput, tassa akuersissutit piffissamik killilikkat, ukiumut ataasiarlutik sivilunerpaamik atuutsinneqartartut aamma akuersissutit piffissamik killigaanngitsut.

Pineqartunut tamanut pisassat annertunerpaamik pisarineqarsinnaasut ilaatinneqarsinnaapput, ilaappullu ataasiakkaanut pisassiissutit aamma tuniniarneqarsinnaasut.

Sinerissap qanittuani raajarniarnermi taamaallaat akuersissutit piffissamik killiligaanngitsut ataasiakkaanut pisassiissutigineqartut atuupput, taamaattorli sinerissap qanittuani qaleralinniarnermi angallatit 6 miiteri sinnerlugu angissusillit Uummannami, Upernavimmi aamma Qeqertarsuup tunuani taamaallaat pisinnaatitaallutik.

Anneks 3: Inatsiseqarnermut tunngasut

2015-imi Inatsisartut inatsisai nutaat

Tamanut saqqummiunneqarnera: 03-06-2015 Aalisarnej pillugu Inatsisartut inatsisaata allanngortinnera pillugu inatsisartut inatsisaat nr. 18, 3. juni 2015-imeersoq (Inuussutissarsiutigalugu aalisarnermut akuersissutit tunniunneqartarnerat ingerlaannartarnerallu pillugu allannguutit).

Tamanut saqqummiunneqarnera: 09-12-2015 Aalisarnermut aningaasaliissutinut immikkoortitat pillugit Inatsisartut inatsisaata allanngortinneqarnera pillugu Inatsisartut inatsisaat nr. 26, 9. december 2015-imeersoq (Isaterinermit aalisarsinnaanermut akuersissutinik pisassiissutinillu piginniinnartarnej kiisalu isaterinermit il.il. tapiissutinik uuttortaasarnermit aalisariutip piviusumik nalinganik atuineq)

Tamanut saqqummiunneqarnera: 09-12-2015 Qalerallit avaleraasartuullu avataasiorluni aalisarnermit pisarineqartut akitsuutaat pillugit Inatsisartut inatsisaata allanngortinneqarnera pillugu Inatsisartut inatsisaat nr. 35, 9. december 2015-imeersoq (Qalerallit immannguaannaq suliat suliarineqanngitsullu akitsuutaat kiisalu aalisakkat ikerinnarsiortut ilaasa Tunumi pisarineqartut akitsuutaat)

2016-imi Inatsisartut inatsisai nutaat

Tamanut saqqummiunneqarnera: 06-06-2016 Qalerallit akitsuutaat aamma aalisakkat ikerinnarsiortut ilaasa Tunumi aalisarnermit pisarineqartut akitsuutaat pillugit Inatsisartut inatsisaata allanngortinneqarneranik Inatsisartut inatsisaat nr. 9, af 6. juni 2016-imeersoq (Saarullit, kullerit, saarulliusaat aamma suluppaakkat akitsuutaat).

Tamanut saqqummiunneqarnera: 06-06-2016 Uumasut nappaataannik inunnut tunillaassorsinnaasunik taakkulu akuinik siaruaassinnaasunik akiuiniarneq pillugu Inatsisartut inatsisaat nr. 12, 6. juni 2016-imeersoq

Tamanut saqqummiunneqarnera: 06-06-2016 Kalaallit Nunaata imartaani akisussaaffeqarfiusumi inuussutissarsiornikkut ingerlataqartarnej pillugu Inatsisartut inatsisaat nr. 17, 6. juni 2016-imeersoq

Tamanut saqqummiunneqarnera: 28-11-2016 Aalisarnej pillugu Inatsisartut inatsisaata allanngortinnera pillugu Inatsisartut inatsisaat nr. 28, 28. november 2016-imeersoq (Aalisarsinnaanermut akuersissutinik tunniussisarnerup allaffissornikkut aqunneqarnerata kommunalbestyrelsinut nuunneqarnissaa pillugu aalajangersakkamik eqqussineq)

2015-imi Namminersorlutik Oqartussat nalunaarutai nutaat

Tamanut saqqummiunneqarnera: 29-06-2015 Inuussutissarsiutigalugu aalisarnej pillugu tunisassiornikkut aningaasaqarnikkullu paasisutissanik nalunaarutiginnittarnej pillugu Namminersorlutik Oqartussat nalunaarutaat nr. 11 29. juni 2015-imeersoq.

Tamanut saqqummiunneqarnera: 13-08-2015 Kapisilinniarneq pillugu Namminersorlutik Oqartussat nalunaarutaat nr. 15, 13. august 2015-imeersoq (Taarserneqassaaq/atorunnaarsinneqassaaq nr. 20, 9. oktober 2015-imeersumik)

Tamanut saqqummiunneqarnera: 09-10-2015 Kapisilinniarneq pillugu Namminersorlutik Oqartussat nalunaarutaat nr. 20, 9. oktober 2015-imeersoq

Tamanut saqqummiunneqarnera 30-12-2015 2015-imi aalisarnermi pisassiissutit pillugit Namminersorlutik Oqartussat nalunaarutaat nr. 23, 30. december 2015-imeersoq (Taarserneqassaaq/atorunnaarsinneqassaaq NO-nit nr. 21, 21. september 2016-imeersumik)

2016-imi Namminersorlutik Oqartussat nalunaarutai nutaat

Tamanut saqqummiunneqarnera: 15-01-2016 Qilalukkanik qaartanik qernertanillu illersuineq piniarnerlu pillugit Namminersorlutik Oqartussat nalunaarutaat nr. 1, 15. januar 2016-imeersoq (Taarserneqassaaq/atorunnaarsinneqassaaq NO-nit nr. 3, 27. januar 2016-imeersumik)

Tamanut saqqummiunneqarnera: 02-02-2016 Nipisanniarneq pillugu Namminersorlutik Oqartussat nalunaarutaat nr. 2, 2. februar 2016-imeersoq

Tamanut saqqummiunneqarnera: 04-04-2016 Aalisakkanik aalisakkanillu tunisassianik tunisisarnermik nalunaarutiginnittarneq pillugu Namminersorlutik Oqartussat nalunaarutaat nr. 7, 4. april 2016-imeersoq

Tamanut saqqummiunneqarnera: 08-04-2016 Aalisarsinnaanermut akuersissutit pisassiissutillu pillugit Namminersorlutik Oqartussat nalunaarutaat nr. 8, 8. april 2016-imeersoq

Tamanut saqqummiunneqarnera: 01-06-2016 Kalaallit Nunaanni masarsoqarfiit nunanit tamalaanit toqqarneqartut illersorneqarnissaat aamma timmissat imarmiut ilaasa illersorneqarnissaat pillugu Namminersorlutik Oqartussat nalunaarutaat nr. 12, 1. juni 2016-meersoq

Tamanut saqqummiunneqarnera: 05-09-2016 Nunaateqarfiit tiguneqarneranut, tunngavianiit pilersinneqarneranut kiisalu pilerseqqinneqarneranut tapiissuteqartarneq pillugu Namminersorlutik Oqartussat nalunaarutaat nr. 20 5. september 2016-imeersoq

Tamanut saqqummiunneqarnera: 21-09-2016 2016-imi aalisarnermi pisassiissutit pillugit Namminersorlutik Oqartussat nalunaarutaat nr. 21, 21. september 2016-imeersoq

Tamanut saqqummiunneqarnera: 28-12-2016 Timmissanik illersuineq piniarnerlu pillugit Namminersorlutik Oqartussat nalunaarutaat nr. 30, 28. december 2016-imeersoq (Taarserneqassaaq/atorunnaarsinneqassaaq NO-nit nr. 1, 5. januar 2017-imeersumik)

Anneks 4: 2015-2016-imi aalisarneq pillugu kisitsisitigut paasissutissat

Takussutissiaq 4.1: Raajarniarneq pillugu

2015		2016	
Pisassiissutit	Pisassiissutinit ilanngaatit	Pisassiissutit	Pisassiissutinit ilanngaatit

Kalaallit Nunata imartaani avataaniittuni

EU Kitaani	1.900.000	1.870.029	2.700.000	2.699.832
Tunumi	1.489.000	401.648	1.523.700	49.318
Kal. Nunaat Kitaani	35.648.131	31.809.312	42.004.255	39.364.084
Tunumi	4.920.186	173.650	392.050	0
Norge Tunumi	2.550.000	0	2.000.000	0
Savalimmiut Tunumi	1.300.000	0	0	0

Nunat allat imartaanni KAL avataasiorlutik

Russit	500.000	57.675	500.000	0
Svalbardip	0*	2.917.556	0*	2.821.321

*: Pisassiinerit ullut aalisarfiit amerlassusiisut taaneqarpoq

Avataasiorluni misileraalluni aalisarneq

Avannaa Kitaani	1.942.560	1.372.742	1.710.000	1.521.021
Avannaa Tunumi	1.500.000	0	500.000	0

Sinerissap qanittuani

Kitaani	33.799.309	33.680.731	47.388.446	38.171.147
---------	------------	------------	------------	------------

Sinerissap qanittuani misileraalluni aalisarneq

Avannaa Kitaani	1.057.440	178.529	1.290.000	1.089.613
-----------------	-----------	---------	-----------	-----------

Takussutissiaq 4.2: Qaleralinniarnermut tunngasut

2015		2016	
Pisassiissutit	Pisassiissutinit ilanngaatit	Pisassiissutit	Pisassiissutinit ilanngaatit

Kalaallit Nunaata imartaani avataasiutinik

Kalaallit Nunaata kitaata avannaani

Savalimmiut	100.000	102.067	100.000	103.967
Kal. Nunaat	6.142.000	6.046.357	5.850.000	5.853.902
Rusland	550.000	547.157	550.000	549.847

Kalaallit Nunaata kitaata kujataani

EU	1.925.000	1.914.280	1.925.000	1.925.004
Kal. Nunaat	2.375.000	2.378.930	2.375.000	2.377.737
Norge	1.475.000	1.484.074	1.475.000	1.449.841
Rusland	1.225.000	1.230.844	1.225.000	1.224.687

Tunu

EU	3.880.000	3.877.679	4.515.000	4.503.544
Savalimmiut	110.000	113.004	385.000	386.699
Kal. Nunaat	3.803.000	3.722.485	1.797.000	1.826.640
Norge	1.075.000	1.169.129	975.000	983.750
Rusland	600.000	591.682	600.000	607.720

Avataasiorluni misileraalluni aalisarnerit

Kal. Nunaat	1.208.000	1.170.141	1.500.000	1.505.452
-------------	-----------	-----------	-----------	-----------

Sinerissap qanittuani

Uummanaq-Upernavik-Diskobugten

Angall. 6 m. sinn.	9.481.395	8.288.979	15.763.902	9.473.603
Angall. 6 m. aamma ataall.	15.930.133	14.648.666	16.626.895	18.505.706
Sukisaarsaat. aalis.	0	0	103.238	25.362

Kalaallit Nunaata sinnerani

Angall. 6 m. sinn.		508.185	0	703.599
Angall. 6 m. aamma ataall.		1.405.3370	1.985.923	

Takussutissiaq 4.3: Saarullinniarnermut tunngasut

2015		2016	
Pisassiissutit	Pisassiissutinit ilanngaatit	Pisassiissutit	Pisassiissutinit ilanngaatit

Kitaani Tunumilu avataasiorluni misileraalluni aalisarnerit

EU	2.000.000	1.928.846	2.100.000	2.087.585
Savalimmiut	0	0	825.000	932.850
Kal. Nunaat	21.900.000	15.607.598	16.875.000	13.141.631
Norge	1.100.000	1.127.490	1.200.000	886.522

Nunat allat imartaanni avataasiorluni

Norgep avannaani	8.600.000	8.060.829	8.600.000	8.605.603
------------------	-----------	-----------	-----------	-----------

Sinerissap qanittuani

Kitaani Tunumilu	27.500.000	25.362.761	34.400.000	33.869.286
Sukisaarsaat. aalis.	0	0	1.000.000	776.196

Takussutissiaq 4.4: Saattuarniarnermut tunngasut

2015		2016	
Pisassiissutit	Pisassiissutinit ilanngaatit	Pisassiissutit	Pisassiissutinit ilanngaatit

Sinerissap qanittuani Kitaani

Narsaq-Qaqortoq	200.000	10.513	100.000	0
Nuuk-Paamiut	1.200.000	1.374.049	1.400.000	1.360.912
Maniitsoq-Kangaamiut	100.000	4.270	100.000	0
Sisimiut	500.000	459.438	650.000	457.289
Qeqertarsuup tunua				
-Uummannaq	600.000	177.215	400.000	314.467
Upernavik	200.000	920	100.000	1.402

Misiliilluni aalisarneq

Tunumi			500.000	0
--------	--	--	---------	---

Takussutissiaq 4.5: Uiluinniarnermut tunngasut

	2015		2016	
	Pisassiissutit	Pisassiissutinit ilanngaatit	Pisassiissutit	Pisassiissutinit ilanngaatit
Sin. Qanitt. Kitaani				
Attup eqqaa	400.000	289.910	400.000	247.564
Mudderbugten	0	0	0	0
Nuup eqqaa	720.000	174.429	720.000	176.963
Kal. Nunaata sinnera	0	50.870	0	0
Sisimiut kujataani	400.000	118.641	400.000	125.073
Sisimiut avannaani	700.000	101.523	700.000	94.889
Nassuttooq	300.000	0	300.000	0

Takussutissiaq 4.6: Nipisanniarnermut tunngasut

	2015		2016	
	Pisassiissutit	Pisassiissutinit ilanngaatit	Pisassiissutit	Pisassiissutinit ilanngaatit
Sineris. Qanitt. Kal. Nunaat				
Suaat	1.500.000	1.058.000	1.500.000	744.000

Takussutissiaqi 4.7: Kapisilinniarnermut tunngasut

	2015		2016	
	Pisassiissutit	Pisassiissutinit ilanngaatit	Pisassiissutit	Pisassiissutinit ilanngaatit
Sineris. Qanitt. Kal. Nunaat				
Kapisillit	45.000	58.821	32.000	27.376

Takussutissiaq 4.8: Kalaallit Nunaanni avataasiorluni aalisarnerit allat

2015		2016	
Pisassiissutit	Pisassiissutinit ilanngaatit	Pisassiissutit	Pisassiissutinit ilanngaatit

KALAALLIT NUNAATA KITAA

Nataarnat	800.000	0*	1.000.000	30
Ammassat	3.000.000	0*	3.000.000	0
Tupissutit	850.000	0*	900.000	0
Qeraaqqat	1.000.000	0*	1.000.000	0
Qeeqqat milallit	1.025.000	0*	0	1.068
Suluppaakkat natermiut	1.000.000	0*	1.000.000	3.486

*: toqqaannartumik aalisartoqanngilaq. Pisisuukkat annikinnerusut

TUNU

Nataarnat	1.640.000	11.362	1.900.000	3.967
Ammassaat	9.900.000	1.748.321	0	0
Tupissutit	850.000	0	900.000	0
Qeraaqqat	1.000.000	0	1.000.000	0
Qeeqqat milallit	1.000.000	0	0	0
Suluppaakkat natermiut	8.700.000	4.980.846	5.500.000	5.533.763
Avaleraasartuut	85.000.000	30.415.305	50.000.000	15.185.891
Ammassassuit	20.000.000	10.604.919	20.000.000	17.957.097

Takussutissiaq 4.9: Imarpinni allani kalaallit avataasiorlutik aalisarnerat

2015		2016	
Pisassiissutit	Pisassiissutinit ilanngaatit	Pisassiissutit	Pisassiissutinit ilanngaatit

Norge

Mørksej	700.000	437.077	700.000	613.415
Saarulliit	8.600.000	8.060.829	8.600.000	8.605.063
Saarullernat	1.400.000	1.123.941	1.400.000	1.401.655
Pisarisuukkat	260.000	136.466	260.000	219.165

Rusland:

Raajat	500.000	57.675	500.000	0
--------	---------	--------	---------	---

Savalimmiut

Ammassassuit	2.100.000	2.058.032	2.500.000	2.350.000
Blåhvilling	5.500.000	5.651.275	12.565.000	9.504.859

NEAFC

Blåhvilling	6.822.000	0	4.565.000	3.212.404
-------------	-----------	---	-----------	-----------

Takussutissiaq 4.10: Kalaallit Nunaata imartaani nunani allamiut aalisarnerat

		2015		2016	
		Pisassiissutit	Pisassiissutinit ilanngaatit	Pisassiissutit	Pisassiissutinit ilanngaatit

Raajat

EU	Kitaani	1.900.000	1.870.029	2.700.000	2.699.832
	Tunumi	1.489.000	401.648	1.523.700	49.318
Norge	Tunumi	2.550.000	0	2.000.000	0
Savalimmiut	Tunumi	1.300.000	0	0	0

Qalerallit

Savalimmiut	Kitaani avann.	100.000	102.067	100.000	103.967
	Tunumi	110.000	113.004	385.000	386.699
Rusland	Avannaani	550.000	547.157	550.000	549.847
	Kujataani	1.225.000	1.230.844	1.225.000	1.224.687
	Tunumi	600.000	591.682	600.000	607.720
EU	Kujataani	1.925.000	1.914.280	1.925.000	1.925.004
	Tunumi	3.880.000	3.877.679	4.515.000	4.503.544
Norge	Kujataani	1.475.000	1.484.074	1.475.000	1.449.841
	Tunumi	1.075.000	1.169.129	975.000	983.750

Ammassat

EU	Tunumi	3.100.000	0	-	-
Norge	Tunumi	44.000.000	0	-	-

Saarullinnik misileraanerit

EU	Kitaani Tunumilu	2.000.000	1.928.846	2.100.000	2.087.585
Savalimmiut	Kitaani Tunumilu	-	-	825.000	932.850
Norge	Kitaani Tunumilu	1.100.000	1.127.490	1.200.000	886.522

Nataarnat

Norge	Tunumi	235.000	9.960	100.000	5.481
-------	--------	---------	-------	---------	-------

Suluppaakkat itisoormiut

EU	Tunumi	1.350.000	1.340.418*	1.050.000	1.049.972*
Savalimmiut	Tunumi	50.000	0	50.000	0
Norge	Tunumi	800.000	1.246.804**	800.000	1.204.800**

Island	Tunumi	1.473.500	0	1.318.500	0
--------	--------	-----------	---	-----------	---

*: nunat tamalaat imartaanni pisat

** : nunat tamalaat imartaanni kalaallinut norskinullu pisassiissutit

Tinguttuut

Savalimmiut	Tunumi	-	-	475.000	243.298
-------------	--------	---	---	---------	---------

Norge	Tunumi	-	-	200.000	178.359
-------	--------	---	---	---------	---------

Anneks 5: 2015-2016-imi nakkutilliineq pillugu kisitsisitigut paasissutissat

Takussutissiaq 5.1: Alapernaarsuisoqarluni nakkutilliisoqarneq

	2015	2016
Ullut alapernaarsuisoqarfiusut	1738	1584
Raajarniarnermi ullut alapernaarsuisoqarfiusut	556	1010
Ikerinnarsiorluni aalisarnermi nakkutilliineq	26%	29%
Misileraalluni aalisarnermi nakkutilliineq	4%	21%
Natersiorluni aalisarnermi nakkutilliineq	66%	21%

Takussutissiaq 5.2 Alapernaarsuilluni nakkutilliisut innersuussutaat/uparuaaneri

	2015	2016
Logboginik eqqungitsumik ingerlatsinerit	2	1
Eqqunngitsumik lastimi immiinerit	0	0
Igiinakkat eqqunngitsut	2	1
Unioqqutitsilluni igitsinermi peqqussutit	0	0
Inuttalersuilluni allattukkat naammangitsut	0	0
Angallat akuersilluni aalisarfiup avataaniittoq	0	0
Nalunaarnerit eqqunngitsut	0	1
Qassutinut unioqqutitsisumik qilersinerit	0	1
Nakkutilliisunik naammangitsumik suleqateqarnerit	1	0
Angallammik alapernaarsuineq	0	0
Aalisaatit naammangitsumik nalunaaqutsikkat	0	0
Pisarisuukkanik eqqunngitsumik nalunaarsuutit	5	1
Eqqagassanik eqqaanerit	0	0
Allat	1	0

Takussutissiaqi 5.3: EU-mit uppernarsaasiisarnermut tunngasut

	2015	2016
Atorsinnaasut	2170	2384
Itigartitsissutit	352	644
Unitsiinnakkat	0	46
Suliaqarnerit	2522	3074

EU-mut avammut niuissagaanni aalisakkat aalisakkanillu tunisassiat uppernarsaammik ataatsimik ingiaqateqartassapput, taassuma qulakkeertarpaa pisat unioqqutitsisuunngitsumik aalisarneqarsimanagerat. Kalaallit Nunaannit uppernarsaatit atorsinnaanngortinnissaannut KANUAANA akisussaasuvoq.

Paasissutissanik amerlanerusunik pissarsiniarnermi: <https://www.businessingreenland.gl/da/Fiskeri,-Fangst-og-Landbrug/Fiskeri-og-fiskerikontrol/Fiskerilicenskontrol-GFLK/Bekaempelse-af-ulovligt-fiskeri/EU-Certificering>

Takussutissiaq 5.4: Om Port State Control (Naalagaaffiup umiarsualiveqartup nakkutilliinera)

	2015	2016
Suliat amerlassusii katillugit	105	161

Port State Control (PSC) makkuninnga tulaassinermi atuutsinneqartarpoq

Aalisakkanit tunisassiat tamarmik piffinni NEAFC-ip akuersissuteqarfigisaaneersut (42 W kangiani)

imartani nunat tamalaat oqartussaaffigisaani piffinni NAFO-p akuersissuteqarfigisaani (42 W kitaani) aalisakkanit tunisassianut tamanut

Paasissutissanik amerlanerusunik pissarsiniarnermi: <https://www.businessingreenland.gl/da/Fiskeri,-Fangst-og-Landbrug/Fiskeri-og-fiskerikontrol/Fiskerilicenskontrol-GFLK/Bekaempelse-af-ulovligt-fiskeri/Port-State-Control>



Ukiumoortumik naluaarussiaq 2015-2016

Saqqummersitsisoq

KANUAANA

Kalaallit Nunaanni Aalisarsinnaanermut Akuersissutininik Nakkutilliisoqarfik

Grønlands Fiskerilicenskontrol

Aaqqissuisoq ilusilersuisorlu
Hervé Casadepax
Petur Meinhard Jacobsen
Claus Christian Jørgensen
2015-5701

KANUAANA
Postboks 501
3900 Nuuk
Indaleeqqap aqqutaa 3
Oqarasuaat (+299) 34 50 00
Fax. Oqarasuaat (+299) 34 63 60
e-mail gflk@nanoq.gl